

# Årsmelding

Senter mot incest og seksuelle overgrep i Sogn og Fjordane

## 2014



Incest skal talast i hel – ikkje teiast i hel



Senter mot incest og seksuelle overgrep i Sogn og Fjordane



## Innholdsliste

04

Innleiing

05

Organisasjon

08

Økonomi

10

Tilbod og tilrettelegging

15

Kompetanse og kompetansehevande kurs for tilsette

16

Oppsøkjande verksemd

17

Arbeids- og utviklingsoppgåver og samarbeid

20

Revisjonserklæring og årsreknskap per 31.12.12

# Innleiing

Senter mot incest og seksuelle overgrep Sogn og Fjordane har no lagt bak seg sitt andre fulle driftsår. Vi opna dørene på senteret i oktober 2012, som det siste fylket i landet som fekk sitt eige senter.

Det har vore viktig for oss og synleggjere Smiso SF. Vi vil bidra til at menneske som har vore utsett for incest og seksuelle overgrep opplev nye moglegheiter til å leve med si historie. Vidare vil vi bidra til utvikling og formidling av kunnskap for å kjempe mot og førebyggje incest og seksuelle overgrep i fylket vårt. Som det kjem fram i denne årsmeldinga så har vi vore aktive i media, på fagdagar, og på å halde føredrag og undervisning. Vi ser at dette gjer til at fleire tek kontakt, både brukarar og fagpersonar i fylket.

Seksuelle overgrep er eit stort samfunnsproblem, og skjer oftare, nærare og er meir skadeleg enn mange trur. Vi ser det difor som viktig å spreie kunnskap, førebyggje og skape trygge arenaer for barn og unge. VI KAN ALLE BIDRA OG TA ANSVAR.

Vi er stolte over det førebyggjande arbeidet senteret har til grunnskulane i fylket. Dette arbeidet hadde ikkje vore mogleg om ikkje Sogn og Fjordane Fylkeskommune hadde tru på oss, dei valde å satse på ei ny etablert verksemd og hadde tru på vårt førebyggjande og helsefremjande undervisningsopplegg. Vi har avdekka overgrep, forhindra overgrep, og vi har gjort mange betre rusta til å sette eigne grenser og vete kva ein skal gjere dersom ein opplev vanskelege og vonde hendingar i livet. Tusen takk til Sogn og Fjordane Fylkeskommune og spesielt takk til Fylkeshelsekoordinator Emma Bjørnsen. I 2014 fekk vi og midlar frå Sparebankstiftinga Sogn og Fjordane til dette førebyggjande arbeidet, slik at vi kan nå ut til endå fleire barn – tusen takk.

Vi vil og nytte høve til å takke våre samarbeidskommunar, Helse Vest og Barne-, ungdoms- og familiedirektoratet for stønad. Vi vil takke RVTS Vest (Regionalt ressurscenter om vold, traumatisk stress og sjølvmoordsførebygging) ved Inge Nordhaug og psykolog Wenche Søvik Myklebust for fagleg og personleg rettleiing og kvalitetssikring av arbeidet vårt. Vi vil og rette ein spesiell takk til KS Sogn og Fjordane, for hjelp til å sette arbeidet Smiso SF gjer på dagsorden i kommunane. Ein spesiell takk går og til brukarrepresentanten vår som gjer ein framifrå jobb for senteret og for brukarane ved senteret. I 2014 har vi fått fleire pengegåver som har røra oss; Raudrussen i Førde gav halve overskotet frå russerevyen til Smiso og dei tilsette i Sparebanken Sogn og Fjordane valde å gje julegåva si til oss. Vi har og fått gåve frå Utdanningsforbundet i Naustdal Lokallag, og frå Fagforbundet i Helse Vest, samt ein anonym gåve. Vi ønskjer og å takke Volvia Forsikring for gratis bilforsikring. Det varmar oss at så mange har tenkt på oss og ser nytten i arbeidet som vert gjort ved senteret. Saman kan vi gjere ein forskjell og gje nye moglegheiter for mange menneske. TUSEN TAKK!

Det krevjast mot for å ta kontakt med Smiso, og ofte har brukarane våre beskrive følelsar som smerte, skam, skuld, verdilauseheit og avmakt – til tross for dette kjem det framleis i snitt ein ny brukar i veka sidan vi opna dørene i Sogn og Fjordane.

Incest skal talast i hel – ikkje teiast i hel.

Vi toler å høyre di historie.

Vi ser fram til eit nytt og innhaldsrikt år saman med brukarane og våre samarbeidspartar.

# Organisasjon

## Formål og virkefelt

Senter mot incest og seksuelle overgrep Sogn og Fjordane (Smiso SF) har som formål og gje hjelp til sjølvhjelp for menneske utsett for incest/seksuelle overgrep og deira pårørande.

Smiso SF skal kjempe mot og førebyggje seksuelle overgrep ved å synleggjere og motarbeide forhold i samfunnet som legitimerer, underbyggjer og opprettheld overgrep.

Smiso SF skal arbeide for å spreie kunnskap om incest og seksuelle overgrep og incest/overgrepsutsette sin situasjon ved informasjon og kunnskapsformidling.

Smiso SF skal vere eit lågterskeltilbod utan krav til tilvising.

Smiso SF skal samarbeide med offentlege hjelpeapparat og andre aktørar som arbeider med overgrepsproblematikken.

Smiso SF skal i sitt arbeid vere partipolitisk nøytrale og ikkje vere tilknytt bestemte organisasjonar eller trussamfunn.

## Organisasjonsform

Senter mot incest og seksuelle overgrep Sogn og Fjordane vart stifta i 2012. Senteret sitt kortnamn er Smiso SF. Smiso SF er ein privat stifting som drivast med offentlege midlar. Smiso har eit styre samansett av 5 personar, der 1 er oppnemnd av Førde kommune, 1 er oppnemnd av Kommunenes Sentralforbund (KS), 1 er oppnemnd av styret og skal ha særleg fagkunnskap, 1 er oppnemnd av brukarane og 1 av dei tilsette.

Styret har vore samansett slik i 2014;

Leiar: Kurt Even Andersen (Kommunalsjef helse og sosial Førde Kommune)

Styremedlem: Trude Merete Lundekvam (Tilsette representant)

Styremedlem: Gro Anita Solheim (Brukarrepresentant)

Styremedlem: Inge Nordhaug (Særleg fagkompetanse, RVTS Vest)

Styremedlem: Jan Ryste (Leiar KS i Sogn og Fjordane)

Dagleg leiar Chatrine Elholm, er sekretær for styret, utan stemmerett.

Vara medlemmar i styret; Terje Heggheim (Rådmann i Flora kommune), Gunn Karoline Fugle (Bup),

Siri Olsen (tilsett i Smiso SF),

Stiftinga er underlagt kontroll av Stiftelsestilsynet.

Eksterne medlemmar av styret får møtegodtgjersle på kr 1500 pr. møte, styreleiar får eit tillegg på kr 900 pr. møte.




## FMSO – Fellesstiftelsen mot seksuelle overgrep

Smiso SF er medlem av Fellesstiftelsen mot seksuelle overgrep (FMSO). FMSO skal bidra til å utvikle sentera til stadig betre organisasjonar ut frå brukarane sine behov, fagleg forskning og samfunnsforhold. FMSO arbeidar for å fremje medlemsorganisasjonane sine interesser i samfunnet og ovanfor offentlege styringsmakter. FMSO legg til rette for fagutvikling, og for samarbeid på tvers av sentera.

## Vertskommune


Førde kommune er senteret si vertskommune og har såleis eit særleg ansvar for senteret si drift. Kommunen har gjort det kjend for senteret at den kan bidra i krevjande og vanskelege saker. Senteret har ikkje hatt behov for eller bedt om slik bistand i 2014.




# Samarbeidskommunar i 2014



Aurland




Askvoll



Bremanger




Eid




Fjaler




Flora




Gaular




Gulen




Gloppen




Hornindal



Hyllestad




Høyanger




Jølster




Leikanger



Luster



Lærdal




Naustdal




Selje



Sogndal




Solund




Stryn



Vik



Vågsøy



Årdal

# Økonomi

## Finansiering

Sentera opererer med ein finansieringsmodell der 80 % av driftsmidlane er statstilskot medan 20 % er lokale tilskot frå kommunar, helseføretak og fylkeskommune. Smiso SF fekk i 2014 stønad frå 25 av 26 kommunar i Sogn og Fjordane. I tillegg fekk vi tilskot frå Sogn og Fjordane Fylkeskommune og Helse Vest. Tilskota til drift og etablering i 2014 fordelte seg slik:

	2014	2013
Primærkommunar	429.428	424.208
Sogn og Fjordane fylkeskommune	100.000	100.000
Helse Vest	50.000	30.000
Statstilskot	2.555.247	1.907.204
<b>Totale inntekter:</b>	<b>2 834 675</b>	<b>2.461.412</b>
Andre tilskot/gåver	255.185	19.183

Gåver og andre inntekter beløp seg til kr 255 182 og utløyser ikkje statstilskot.

Smiso opplev stor velvilje frå kommunane. At 25 av 26 kommunar støtta senteret tek vi som ein stadfesting på at kommunane ser på Smiso SF som eit rimeleg og viktig tilskot til tenestetilbodet i fylket. Det er eit tilbod som gjev kommunane tilgang til spisskompetanse og lågterskeltilbod innanfor eit utfordrande felt.

I 2014 har pågangen og arbeidsmengda på senteret vore så stor at styret fatta vedtak om å prøve å få auka stønaden frå kvar kommune for 2015. Fylkesstyret og rådmannsutvalet i KS Sogn og Fjordane fatta hausten 2014 vedtak der dei tilrår at kommunane i fylket aukar støtta til Smiso frå kr 4,- til kr 5,- pr. innbyggjar frå 2015. Med denne auken kan senteret få eit løft som gjer at vi er på eit driftsnivå som er levedyktig i åra framover.

Vi opplev det framleis som ein utfordring at finansieringa av senteret er uføreseieleg frå år til år. Uvisse knytt til økonomi er ei belastning for brukarar og tilsette. Brukargruppa har behov for stabilitet og førehandskjende vilkår, senteret har behov for mest mogleg sikker og pålitelege prognosar knytt til drift for å kunne få tak i og halde på kvalifiserte tilsette. Vi ønskjer på sikt å inngå langsiktige avtalar med kommunane i Sogn og Fjordane, og målet er at alle kommunane i fylket skal ha tilskot til senteret si drift som fast post i sine budsjett.

## Følgende har medverka til finansieringa i 2014

Kommunane; Aurland, Askvoll, Bremanger, Eid, Fjaler, Flora, Førde, Gaular, Gloppen, Gulen, Hornindal, Hyllestad, Høyanger, Jølster, Leikanger, Luster, Lærdal, Naustdal, Selje, Sogndal, Solund, Stryn, Vik, Vågsøy og Årdal

Sogn og Fjordane fylkeskommune, Helse Vest og Staten v/Barne-, ungdoms- og familiedirektoratet.

Revisjon er gjennomført av

BDO AS

## Tilsette

Ved Smiso SF er det 3 fast tilsette alle i 100 % stillingar, og ein midlertidig tilsett i 95% stilling, alle kvinner. Dei tilsette har alle utdanning og ulik erfaring og kunnskap for å kunne gje eit best mogleg tilbod til brukarar og til samarbeidspartnarar.

Dei tilsette vert lønna ut i frå Førde kommune sin lønnspolitiske plan.

Smiso SF har teikna ulykke/yrkesskade, gruppelivs- og reiseforsikring for dei tilsette. Desse forsikringane har vi inngått med KLP Skadeforsikring. Vidare har vi inngått avtale med KLP Bedriftspensjon om innskotspensjon for dei tilsette, frå 01.05.14 auka Smiso innskotspensjonen til dei tilsette frå 5% til 7% av løn.



Chatrine Elholm  
-dagleg leiar-



Siri Helene Olsen  
-fagleg rådgjevar-



Trude Merete Lundekvam  
-fagleg rådgjevar-



Siv Berit Holme  
-fagleg rådgjevar-

# Tilbod og tilrettelegging

## Brukarar

Når ein person utsettast for overgrep råkar det heile familien. Smiso SF ønskjer at alle som vert råka får den hjelpen dei treng når dei treng den. Senteret ønskjer å gje eit godt tilbod, uansett alder, kjønn, bakgrunn og bustad.

Brukarar på senteret i 2014	
Nye brukarar 2014	54
Totalt tal brukarar	78
Besøk av brukarar på senteret	406

Kontakt pr telefon	
Utsette eller pårørande til utsette	350
Samarbeidspartar	288
Totalt tal telefonar	638

Einesamtalar	
På senteret	140
På telefon	196
Utanfor senteret	5

Smiso SF gjev og tilbod til brukarar under 18 år, men då i samarbeid med føresette eller relevante instansar i kvart einskild tilfelle.

# Tilboda våre

## Fellesskap

Oppleving av fellesskap gjennom å utveksle erfaringar og møte andre i same livssituasjon skapar tryggleik og positiv sjølvkjensle.

## Innomstikk

Opent hus/besøk utan faste avtalar for brukarar over 18 år. Her kan ein møte andre i same situasjon, og senteret er ein arena for sosial læring der samhold og nye relasjonar kan skapast. Mange brukarar vel og vere igjen på huset etter einesamtalene, både for å treffe andre eller ha ein fredeleg stund med ein kopp kaffi og ein avis.

## Einesamtalar

Samtalar mellom brukar og rådgjevar, desse kan haldast på senteret eller utanfor senteret. Dei fleste brukarane har ønska å starte kontakten med senteret med einesamtale. Ein del brukarar brukar berre dette tilbudet, medan andre også har behov for fellesskapet på senteret. Vi har samtaleverktøyet KOR tilgjengeleg og kan nytte dette ved behov og ønskje.

KOR sikrar at brukar er i fokus under samtalane, og det bidreg til å leggje til rette for eit klima der fagleg rådgjevar får tilbakemelding på tilrettelegging og gjennomføring av samtalane. Vi har gjennom året hatt 341 einesamtalar med utsette og pårørande. Vi er med brukarane til hjelpeinstansar, og er tilgjengeleg for samtalar med nettverket deira der det er ønskjeleg.

## Telefonkontakt, e-post og sms

Fleire synast det er greitt å kunne ha nokon å ringje til, og dei geografiske forholda gjer at det ikkje er like lett å kome til senteret så ofte. Vi ser og ein stor pågang frå ulike samarbeidspartar og frå hjelpeapparatet i fylket. Denne kontakten gjeld som oftast spørsmål om senteret og våre tilbod, informasjon om seksuelle overgrep, førespurnad om å halde undervisning/foredrag, og råd/støtte i vanskelege situasjonar/saker. Nokre brukarar vel å kontakte oss via e-post og sms, i 2014 har vi fått 16 e-postar og 57 sms frå brukarar.

## Juridisk rådgjeving

Smiso SF har inngått eit samarbeid med advokatfirma Blikra, Slotterøy & Fonn AS. Dei gjev tilbod til brukarar ved senteret om juridisk bistand. Tilbodet er gratis for brukarane.

## Samtale med sexolog

Smiso SF har også inngått samarbeid med sexolog Kjellaug Fredly. Seksualitet kan for mange som har opplevd overgrep by på utfordringar, og det kan vere vanskeleg å skilje eiga seksualitet frå overgrepa, fordi mange ikkje har ein oppleving av å eige si eiga seksualitet. Ved å jobbe med temaet kan ein få eit bra, godt og sunt forhold til seg sjølv og eiga seksualitet.

## Andre aktivitetar

### Hobby

I 2013 innreia vi eit aktivitetsrom på senteret, dette rommet har vore i flittig bruk.

### Mindfulness


Brukarrepresentanten vår er pådrivar for bruk av mindfulness på senteret. Mindfulness er eit sett med øvingar for å trene opp våre "mentale musklar", mindfulness er også ei holdning til livet som gjev meir ro og balanse i ein stressande kvardag. Å lære seg mindfulness kan vere ei god investering i eige liv. Det er ikkje ein rask løysing på alle våre utfordringar, men snarare ein slags styrketrening for psyken som på lengre sikt vil auke livskvalitet på mange områder. Det viser seg at mindfulness kan auke både sosial intelligens, emosjonell intelligens og gje oss meir ro og nærvær i eige liv, og ein kan kanskje oppnå meir med mindre stress. Brukarane på senteret har altså funne mange gode grunner til å interessere seg for mindfulness. Her kan dei som ønskjer «droppe» inn og ut slik dei vil. Det er viktig at dette ikkje er nok eit krav i kvardagen.

### Massasje

Mange av brukarane sliter med ulike kroppslege plagar. Vi jobbar mykje med at den einskilde skal få ei forståing av samanhengen mellom kroppslege plagar, spent tilstand og traumatiske opplevingar. Ei av dei tilsette på senteret er utdanna idrettsmassør, og har fleire års erfaring med å massere menneske med ulike traumar. Mange har eit vanskeleg forhold til eiga kropp og kroppsleg nærleik til andre personar. Dette er ei av dei viktigaste årsakene til at kroppen spenner seg, og må difor takast særleg omsyn til. Erfaringane våre er at om brukarane blir trygg i massasje situasjonen og til eiga kropp, reduserast den spente tilstanden og dei kroppslege plagene. Gjennom aktiv medverking utviklar brukarane ein større grad av sjølvstyring og fridom i forhold til eiga kropp. Vi har og ein massasjestol som brukarane kan nytte seg av når dei ønskjer.

### Sjølvhjelpsgrupper

Ein sjølvhjelpsgruppe er ein arbeidsfellesskap av menneske med problem som saman jobbar for å skape endring i eigne liv. Gjensidig støtte, hjelp, respekt, motivering og mot er element i arbeidet i ein sjølvhjelpsgruppe. For mange vil det og vere viktig å få ein oppleving av samhald og forståing for at ein ikkje er åleine med erfaringar og opplevingar ein har. I 2014 har vi hatt sjølvhjelpsgruppe for pårørande mødrer.



## Bibliotek

Vi har eit enkelt utval av ulik litteratur, som vi gjennom året har supplert med nye bøker. Biblioteket inneheld bøker om seksuelle overgrep, vegen vidare og bøker om heilt andre tema. Senteret har og nokre DVD-ar.

## PC

Brukarane har ein eigen PC med tilgang til internett.

## Temadagar

På temadagane vert det orientert/førelse om tema som gjev kunnskap og innsikt i ulike emne. Vi tenkjer at temadagane i stor grad skal vere brukarstyrt, både innhald og organisering.

## Oppsøkjande verksemd

Dette omhandlar undervisning/opplysningsarbeid, samarbeidsmøter, deltaking i ulike fora i det offentlege hjelpeapparatet, førelsing, og liknande. I 2014 har vi drive mykje med oppsøkjande verksemd, dette vert nærare beskrive på side 16.

## Tilbod til menn

Smiso SF er også eit tilbod for menn. I 2014 har 6,5% av brukarane som har kontakta oss pr tlf vore mannlige brukarar, og 3,5% av brukarane som har vore innom senteret har vore menn. I vårt opplysningsarbeid prøver vi å synleggjere at vi gjev tilbod til menn.

## Tilbod til brukarar med etnisk minoritetsbakgrunn

Smiso SF ser at menneske med etnisk minoritetsbakgrunn er ei viktig gruppe å nå med tilbodet vårt. I 2014 har FMSO fått utarbeida brosjyrar på engelsk som er tilgjengeleg på sentera.

## Brukarmedverknad

For å utvikle oss best mogleg framover er vi opptekne av samarbeid med, og innspel frå brukarane. Det er dei som kjenner sin situasjon best. Brukarmedverknad handlar om å ha ein stor del av ansvaret for eigen prosess, og det handlar om å delta i senteret sin planlegging og gjennomføring av tilbod.

Brukarmedverknad er viktig i arbeid med overgrepssproblematikk. Det å vere deltakande, klargjere eigen rolle og ha mot til å stå fram er viktige moment i den enkelte brukar sitt arbeid vidare.

Det er viktig for senteret at brukarane er med å vise vegen vidare, og at brukarar og tilsette i fellesskap kan arbeide for eit best mogleg senter, og for førebygging av seksuelle overgrep mot barn.

I staden for og verte verande i rolla som offer kan ein starte med å vokse utover dei avgrensingane som verknadane av overgrep har skapt. Ein arbeidar mot og verte aktiv deltakar i eige liv, og finne eigeverd og integritet.

Tilsette på senteret vektlegg og praktiserer ein kultur der tilbakemeldingar frå brukarane vert etterspurt, verdsetjast og merkast i utforminga av tilbodet. Dei fleste aktivitetane som har blitt starta på senteret i 2014 er på bakgrunn av ønskje og tilbakemeldingar frå brukarar.

## Brukarrepresentant

Rolla til brukarrepresentanten er å vere brukarane sitt talerør, samarbeide med leiar og dei tilsette for å heile tida utvikle senteret på best mogleg måte, og vere brukarane sin representant i styret. Brukarrepresentanten skal vere tilgjengeleg for kontakt med brukarar ved senteret i tilfelle der brukarar ikkje ønskjer å ta direkte kontakt med leiar eller tilsette ved senteret. Brukarrepresentanten til Smiso SF har vore aktivt deltakande på styremøter. Ho er tilgjengeleg for dei andre brukarane på senteret, og ho har lagt ut informasjon om brukarrepresentanten si rolle på heimesida vår. Ho har vore aktivt med å utforma opplysningsmateriell, ulike Power Pointer, og ho har vert med å halde foredrag for ulike ungdomsgrupper. Brukarrepresentanten deltok på landskonferansen i Tromsø. Brukarrepresentanten vår gjer ein utruleg viktig jobb for Smiso SF. Ho har vore og er aktivt med på å forme senteret, ho gjer miljøet på senteret trygt og godt for brukarane, og ho kjem med mange gode innspel i forhold til utadretta verksemd.

## Lokalar

Smiso SF leiger ein einebustad i Hornnesvegen 1 i Førde, leigekostnaden i 2014 har vore på kr 20 000 pr. mnd. Bustaden ligg sentralt plassert i Førde i skjerma omgjevnader. Bygningen er frå 1974, hovudetasjen er ca 135 m<sup>2</sup>, og den delen av underetasjen vi disponerer er ca 45 m<sup>2</sup>. Det er ei stor opparbeida hage på 1000 m<sup>2</sup> som gjev oss mange moglegheiter til utandørs aktivitetar.

I hovudetasjen har vi 3 kontor/samtalerom, toalett, bad med wc, vaskerom, kjøkken og stor stove. Stova vert og nytta som kurslokale og er tilrettelagt med lerret og projektor. I kjellaren har vi ein kjellarstove som vert brukt til aktivitetsrom, samt eit rom til massasjestol. Senteret er tilrettelagt for rullestolbrukarar.

# Kompetanse og kompetansehevande kurs for tilsette

## Fagkompetanse

Dei tilsette ved Smiso SF har alle høgare utdanning, og kompetansen senteret innehar er:

- Bachler i yrkesfaglærer i helse- og sosialfag
- Fagbrev som barne- og ungdomsarbeider
- Fitness grunnkurs, kunnskap om blant anna anatomi, fysiologi, grunnleggjande treningslære, biomekanikk samt fysisk aktivitet og helse.
- Førskulelærer med vidareutdanning i spesialpedagogikk
- Pedagogisk rettleiar
- Sosionom
- Administrasjon og organisasjon
- Idrettsmassør
- Frisør
- Helseleiing

## Kompetansehevande kurs i 2014

Vi har hatt fagleg grupperettleiing 6 gonger i 2014. I tillegg har vi hatt 6 heile dagar med personleg rettleiing i gruppe og/eller individuell rettleiing for dei tilsette. Rettleiingane bidreg til tryggleik, auka fagkunnskap, kvalitetssikring og trivsel. RVTS Vest står får den faglege rettleiinga, og rettleiar er Inge Nordhaug. Den personlege rettleiinga får vi frå Dialogassistance AS ved psykolog Wenche Søvik Myklebust.

I tillegg har tilsette ved Smiso deltatt på følgjande kurs og seminar:

- Høgskulen i Sogn og Fjordane fagdag – personleg kompetanse – ei dobbel utfordring i arbeid med menneske
- Høgskulen i Sogn og Fjordane fagdag – når krenka barn vert sjuke vaksne
- Smiso seminar i Trondheim
- Fylkesmannen sin årlege 7-mils steg konferanse
- RVTS Vest sin årlege September konferanse
- Fylkesmannen og Sogn og Fjordane fylkeskommune sin årlege fagkonferanse om rus, vald og overgrep
- FMSO landskonferansen i Tromsø
- Fagdagar med Smiso Hordaland, Smiso Sør-Trøndelag, Smiso Nord-Trøndelag og Smiso Møre og Romsdal
- Seminar i Bergen om skyld, skam og forsoning
- Småbarnsdagane i Førde – følg med på utviklingsvegen
- Barnekonvensjonen 25 år – beskyttelse av barn mot vold og seksuelle overgrep
- RVTS Vest – den avdekkande samtalen
- Sjølvhjelp Noreg – igangsetjarkurs for sjølvhjelpsgrupper
- The 28th Annual San Diego International Conference on Child and Family Maltreatment.
- Dagleg leiar har vore tilstades på fire leiarsamlingar i 2014

## Oppsøkjande verksemd

For oss har det vore viktig å drifte og gjere Smiso SF kjend i fylket, slik at vi når ut til og kan tilby høg fagleg kvalitet til brukarane og ulike hjelpeinstansar. Smiso SF er eit nytt senter. Det er difor viktig og synleggjere arbeidet vårt. Vi vil bidra til at menneske som har vore utsett for incest og seksuelle overgrep opplever nye moglegheiter til å leve med sin historie. Vidare vil vi bidra til utvikling og formidling av kunnskap for å kjempe mot og førebyggje incest og seksuelle overgrep i fylket vårt.

### Media

Media er viktig i arbeidet rundt openheit om seksuelle overgrep. Smiso i media i 2014:

Firda

- Sak om pornografi på nett og barn
- Sak om kommunal støtte
- Sak om vår appell til russen og utdeling av boxershortsar – «eg tek ansvar»
- Overrekking av pengegåve frå russen
- Sak om midlar vi fekk frå Sparebankstiftinga til undervisning i grunnskulen

Sogn Avis

- Sak om Smiso sin undervisning i grunnskulen

Vi hadde og kronikk i samband med verdsdagen mot seksuelle overgrep i seks lokalavisar i fylket, og nettannonse i ulike lokale avisar.

Nrk Sogn og Fjordane – Radio og nett

- Intervju i samband med Årsmeldinga, aktivitet og bruk av senteret
- Intervju i samband med førebyggjande arbeid retta mot russen
- Reporter var med på undervisning i 6.klasse, dette kom og som sak på riksnyhheitene.
- Intervju i samband med naudsynt auke i driftstilskot pga stor pågang på senteret
- Intervju om skuleundervisninga vår
- Intervju i samband med verdsdagen mot seksuelle overgrep ABC nyheter
- Intervju om pågang etter Libe Rieber Mohn sto frem i media

### Heimeside

Heimesida vår er viktig i marknadsføringa av senteret og for å spreie kunnskap om seksuelle overgrep. Heimesida vert aktivt brukt, og for brukarane er det eit alternativ å søkje informasjon på ein informativ, anonym og trygg måte. I 2014 har vi jobba med å få ut meir informasjon på sida retta mot barn. Smiso SF er også på facebook.

## Informasjonsmateriale

Vi har i tillegg fleire brosjyrar og ulike informasjonsskriv, vi er opptekne av at informasjonen som kjem frå Smiso SF skal vere god og informativ, både til brukarane og til samarbeidspartane.

## Fagleg bidrag til hjelpeapparatet i Sogn og Fjordane

I vedtektene våre står det at vi aktivt skal drive førebyggjande arbeid og opplysningsverksemd.

Smiso SF ønskjer å kjempe mot incest og seksuelle overgrep ved å påverke dei faktorar i samfunnet som er med på å oppretthalde seksuelle overgrep mot barn. Vi vil;

- Synleggjere problematikken.
- Bidra til økt livskvalitet, å gje alle som har opplevd seksuelle overgrep eit betre liv.

Kunnskapsformidling og informasjon om temaet seksuelle overgrep mot barn ser vi på som avgjerande i vårt førebyggjande arbeid. Innsikt i overgrepssproblematikk, og ikkje minst auka tryggleik i korleis snakke med barn og vaksne om overgrep fremmar handlingskompetase. Ein vaksen som vågar å ta tak i og kommunisere om det som er vanskeleg kan vere avgjerande for å komme ut av tystnaden for utsette barn.

Det er viktig for oss at vi får presentert senteret og tilboda våre til hjelpeapparatet i fylket. Både for å auke fokus på problematikken seksuelle overgrep, auke kunnskapen og nå brukarar via det offentlege hjelpeapparatet. I 2014 har vi nådd ut til ca. 500 fagpersonar i fylket vårt med informasjon om Smiso SF, og formidling om seksuelle overgrep, seinverknader, korleis snakke, møte og gje støtte til utsette. Oppdraga vi har hatt har vore til lærarar, barnevernet, helsesøstrer, psykisk helsevern og PPT.

## Arbeids- og utviklingsoppgåver og samarbeid med andre

### Fokus på arbeids- og utviklingsoppgåver

Vi er opptekne av at Smiso SF skal gje eit kvalitativt godt tilbud til utsette og pårørande i fylket, vidare er vi opptekne av at hjelpeapparatet i Sogn og Fjordane skal oppleve senteret som ein ressurs og ein samarbeidspartnar. Tilboda ved Smiso SF skal vere eit supplement til hjelpeapparatet. Det faglege tilbudet ved senteret skal gje hjelp til sjølvhjelp som eit alternativ til, eller eit tillegg til, behandling i det offentlege hjelpeapparatet.

Vi har fokus på å nå ut til heile fylket. Som eit resultat av aktiv oppsøkande verksemd med informasjon, undervisning og rettleiing, ser vi at det er fleire i hjelpeapparatet som aktivt brukar oss. Vi ser og at det er fleire brukarar som tek kontakt etter anbefaling frå ulike hjelpeinstansar.

Mange brukarar av Smiso har vore, er eller får behov for hjelp av offentlege helse- og sosialtenester. For at kvar einskild skal få ein heilskapleg og god behandling er det viktig av vi samarbeider med relevante instansar, etter samtykke med brukar. I 2014 har vi hatt samarbeid rundt einskilde brukarar og lege, helsestasjon, psykiatritenesta, Bup, tannlege og overgrepsmottak.

# Undervisning i grunnskulen – 6.trinn

Vi opplev at fleire og fleire skular og kommunar no veit om at vi driv med førebyggjande arbeidet i grunnskulen, og får mange førespurnader om å undervise. Vi har oppretta eit godt samarbeid med mange helsesøstrer i fylket. I løpet av skuleåret har vi hatt 59 undervisningsoppdrag, og nådd ut til ca. 1200 elevar. På nokre av skulane så har vi og undervist lærarar og tilsette.

## Våre mål for undervisninga

- Bevisstgjere og styrke barn mot seksuelle overgrep, og andre vonde og vanskelege opplevingar i livet.
- Førebyggje og leggje til rette for å avdekke seksuelle overgrep og hjelpe utsette til å søkje hjelp.
- Forhindre potensielle overgriparar. Vi tek opp konsekvensane av grenseoverskridande åtfærd ovan for andre, undervisninga kan difor bidra til å skape gode holdningar i forhold til puberteten og utprøvande seksualitet i denne alderen.
- Heve kompetansenivået hos lærarar og andre som arbeidar med barn.
- Synleggjere for overgriparar at vi er ute på skulane og snakkar med barna.

Mange barn har i etterkant av undervisninga ønska ein samtale med oss om vanskelege ting dei har opplevd innanfor denne problematikken eller andre vanskelege ting. I gjennomsnitt har ca 2-3 barn snakka med oss etter kvar undervisning. Sakar vi har fått del i, som har kravd vidare tiltak, har deretter blitt overført til kontaktlærar, helsesøster eller rektor. Saman har vi drøfta vidare tiltak. Det har kome fram at barn har opplevd seksuelle overgrep og ikkje fortalt dette til nokon før. Det har vore saker som har omhandla grenseoverskridande åtfærd frå andre barn og unge, og frå vaksne. Det har og vore saker som har handla om belastning eller bekymring som barn opplev ved skilsmisse, rus, vold eller psykisk og fysisk sjukdom hos foreldre.

## Samarbeid med russen

I 2014 hadde vi eit samarbeid med russen i Førde kommune. Vi fekk kome på dei tre vidaregåande skulane i kommunen og halde ein appell og vise ein kortfilm om valdtekt. Vi delte ut boxarshorts til gutane med påtrykk «Eg tek ansvar».

## Samarbeid med vertskommune og samarbeidskommunar

Smiso SF har jobba aktivt med å få eit godt og konstruktivt samarbeid med aktuelle instansar i vertskommunen og i samarbeidskommunane, og føler at kommunane er positive både til senteret og til samarbeid.

Forsking viser ein overrepresentasjon av ulike psykiske og somatiske lidingar blant menneske som er utsett for seksuelle overgrep. Erfaring frå brukarar viser at det går alt for lang tid før overgrepssproblematikk vert avdekket og jobba med. Vi ønskjer å kunne bidra til auka kompetanse til hjelpepersonell, slik at fleire brukarar vert fanga opp av hjelpeapparatet og får den hjelpen dei har behov for.

Målet med samarbeid på systemnivå er å byggje opp samarbeid og kompetanse på en slik måte at kommunane sjølv vidarefører kompetanse- oppbygging og kvalitetsutvikling når det gjeld tilbod til menneske som er utsatt for seksuelle overgrep og deira pårørande.

Vidare ønskjer Smiso SF samarbeid med kommunane sine støtteapparat på individnivå for å bidra til at brukarar får naudsynt bistand.

Samarbeid med vertskommunen Førde er framleis veldig positivt. Førde kommune har vore genuint interessert i og opptatt av senteret. Smiso SF og Førde kommune samarbeider godt om drifta og det er ein trygghet for senteret og vete at terskelen er låg for å ta ein telefon og drøfte ulike saker.

## Samarbeid på fylkesnivå

Smiso SF føler seg godt motteken i fylket og av samarbeidskommunane våre. Sogn og Fjordane Fylkeskommune og Fylkesmannen i Sogn og Fjordane er flinke til invitere oss til ulike faglege forum, og bruke oss som føredragshaldarar på kurs og konferansar. Vi opplev mykje positive tilbakemeldingar både på fylkes- og kommunenivå. I 2014 vart vi invitert med av Fylkeskommunen på arbeidsverkstad i samband med utarbeiding av regional plan for folkehelse.

## Samarbeid med RVTS og helseføretak

RVTS Vest er ein viktig samarbeidspart på fagleg og overordna nivå for oss. Vi har, som tidlegare nemnd, fagleg rettleiing frå RVTS Vest. Vi har og styremedlem frå RVTS Vest, og kjenner at det er ein tryggleik i at arbeidet vi gjer vert kvalitetssikra på fleire nivå. Vi ser og at vår kompetanse om RVTS Vest sin funksjon er nyttig for andre i hjelpeapparatet som vi treff, vi deler denne kompetansen og formidlar kontakt vidare om naudsynt.

Smiso SF tek i mot midlar frå Helse Vest, midlane disponerast i forhold til våre retningslinjer og vedtekter, og vert gitt for å støtte oss som eit brukarfokusert tilbod. Brukarmedverknad og sjølvhjelp er viktige nøkkelord for organiseringa vår.

## Samarbeid med andre, offentlege eller private organisasjonar/grupper

Gjennom kurs hos Sjølvhjelp Noreg fekk vi kontaktar, dette har vi nytta oss av då vi skulle setje i gang med sjølvhjelpsgruppe for pårørande på senteret.

Rusettervernet i Sogn og Fjordane har vi fått eit godt samarbeid med og ser at det har vore eit gjensidig nytteforhold for einskilde brukarar at vi samarbeider. Samarbeidet har gjort det lett for oss, og for dei, og gje informasjon til brukarar som kan ha behov for dei ulike tenestene/tilboda vi har.

Vi har etablert samarbeid med advokatfirmaet Blikra, Slotterøy og Fonn AS i Førde, dei gjev gratis juridisk rettleiing til brukarane våre på senteret.

Vi har eit godt og tett samarbeid med overgrepsmottaket i Sogn og Fjordane, og ser det som viktig at vi har kunnskap om kvarandre og tilboda våre. Overgrepsmottaket har no som fast prosedyre å informere om Smiso, dei gjev og tilbod til sine pasientar om å formidle kontakt med oss.

Seksualitet kan for mange som har opplevd overgrep by på utfordringar. Vi har etablert samarbeid med sexolog Kjellaug Fredly, som kjem til senteret og tilbyr samtalar med brukarar som ønskjer det.

# Revisjonserklæring og årsregnskap per 31. desember 2014

Til styret i

**Stiftelsen Senter mot incest og seksuelle overgrep Sogn og F**

## REVISORS BERETNING FOR 2014

### Uttalelse om årsregnskapet

Vi har revidert årsregnskapet for stiftelsen Senter mot incest og seksuelle overgrep Sogn og F som viser et overskudd på kr 36.945,-. Årsregnskapet består av balanse per 31. desember 2014, resultatregnskap for regnskapsåret avsluttet per denne datoen, og en beskrivelse av vesentlig anvendte regnskapsprinsipper og andre noteopplysninger.

### *Styret og daglig leders ansvar for årsregnskapet*

Styret og daglig leder er ansvarlig for å utarbeide årsregnskapet og for at det gir et rettviseende bilde i samsvar med regnskapslovens regler og god regnskapsskikk i Norge, og for slik intern kontroll som styret og daglig leder finner nødvendig for å muliggjøre utarbeidelsen av et årsregnskap som ikke inneholder vesentlig feilinformasjon, verken som følge av misligheter eller feil.

### *Revisors oppgaver og plikter*

Vår oppgave er å gi uttrykk for en mening om dette årsregnskapet på bakgrunn av vår revisjon. Vi har gjennomført revisjonen i samsvar med lov, forskrift og god revisjonsskikk i Norge, herunder International Standards on Auditing. Revisjonsstandardene krever at vi etterlever etiske krav og planlegger og gjennomfører revisjonen for å oppnå betryggende sikkerhet for at årsregnskapet ikke inneholder vesentlig feilinformasjon.

En revisjon innebærer utførelse av handlinger for å innhente revisjonsbevis for beløpene og opplysningene i årsregnskapet. De valgte handlingene avhenger av revisors skjønn, herunder vurderingene av risikoene for at årsregnskapet inneholder vesentlig feilinformasjon, enten det skyldes misligheter eller feil. Ved en slik risikovurdering tar revisor hensyn til den interne kontrollen som er relevant for stiftelsens utarbeidelse av et årsregnskap som gir et rettviseende bilde. Formålet er å utforme revisjonshandlinger som er hensiktsmessige etter omstendighetene, men ikke for å gi uttrykk for en mening om effektiviteten av stiftelsens interne kontroll. En revisjon omfatter også en vurdering av om de anvendte regnskapsprinsippene er hensiktsmessige og om regnskapsestimatene utarbeidet av ledelsen er rimelige, samt en vurdering av den samlede presentasjonen av årsregnskapet.

Etter vår oppfatning er innhentet revisjonsbevis tilstrekkelig og hensiktsmessig som grunnlag for vår konklusjon.

### *Konklusjon*

Etter vår mening er årsregnskapet avgitt i samsvar med lov og forskrifter og gir et rettviseende bilde av den finansielle stillingen til stiftelsen Senter mot incest og seksuelle overgrep Sogn og F per 31. desember 2014 og av resultater for regnskapsåret som ble avsluttet per denne datoen i samsvar med regnskapslovens regler og god regnskapsskikk i Norge.

**Uttalelse om øvrige forhold****Konklusjon om årsberetningen for Senter mot incest og seksuelle overgrep Sogn og F**

Basert på vår revisjon av årsregnskapet som beskrevet ovenfor, mener vi at opplysningene i årsberetningen om årsregnskapet, forutsetningen om fortsatt drift er konsistente med årsregnskapet og er i samsvar med lov og forskrifter.

**Konklusjon om registrering og dokumentasjon**

Basert på vår revisjon av årsregnskapet som beskrevet ovenfor, og kontrollhandlinger vi har funnet nødvendig i henhold til standard for attestasjonsoppdrag (ISAE) 3000 "Attestasjonsoppdrag som ikke er revisjon eller forenklet revisorkontroll av historisk finansiell informasjon", mener vi at ledelsen har oppfylt sin plikt til å sørge for ordentlig og oversiktlig registrering og dokumentasjon av stiftelsens regnskapsopplysninger i samsvar med lov og god bokføringsskikk i Norge.

**Konklusjon om utdelinger og forvaltning**

Basert på vår revisjon av årsregnskapet som beskrevet ovenfor, og kontrollhandlinger vi har funnet nødvendige i henhold til internasjonal standard for attestasjonsoppdrag (ISAE) 3000, mener vi stiftelsen er forvaltet og utdelinger er foretatt i samsvar med lov, stiftelsens formål og vedtektene for øvrig.

Molde, 16. mars 2015

BDO AS

(Org.nr: 993 606 650)



Odd Tore Rørset

Statsautorisert revisor

## Årsmelding frå styret for 2014

### 1. Verksemda si art og lokalisering

Senter mot incest og seksuelle overgrep Sogn og Fjordane er ein stifting som har som føremål og gje hjelp til sjølvhjelp for menneske utsett for incest/seksuelle overgrep og deira pårørande.

Vidare har stiftelsen som føremål å kjempe mot og førebyggje seksuelle overgrep, formidle kunnskap om incest og seksuelle overgrep og dei utsette sin situasjon.

Stiftinga drivast frå hovudkontor i Førde kommune.

### 2. Fortsatt drift

Styret og dagleg leiar meiner det er riktig å leggje føresetnaden for framleis drift av stiftinga til grunn ved framlegginga av årsrekneskapet.

Styret har hatt 4 møter i 2014.

### 3. Disponering av stiftinga sin kapital

Styret sin oppfatning er at det framlagde resultatrekneskap og balanse gjev tilstrekkeleg informasjon om drifta og stillinga for stiftinga.

Styret har ikkje kjennskap til forhold i utgangen av rekneskapsåret som vil ha noko å seie for bedømminga av årsrekneskapet og stiftinga si stilling.

### 4. Arbeidsmiljø

Senteret har stort fokus på arbeidsmiljø, og vektlegg tilgjengelegheit, samhandling og vidareutvikling både fagleg og personleg. Vi har fagleg rettleiing frå RVTS Vest, og personleg grupperettleiing frå Psykolog Wenche Søvik Myklebust.

Sjukefråvær i 2014 har vore på 0,02%.

### 5. Ytre miljø

Stiftinga forureinar ikkje det ytre miljøet.

### 6. Kvinneandelar

Styret har 40 % kvinnedel. Alle dei fire tilsette er kvinner.

*KE. Andersen*

Kurt Even Andersen  
Styreleiar

*Jan Ryste*

Jan Ryste  
Styremedlem

Førde 16.03.15

*Inge Nordhaug*

Inge Nordhaug  
Styremedlem

*Trude Lundekvam*

Trude Lundekvam  
Styremedlem

*Gro Anita Solheim*

Gro Anita Solheim  
Styremedlem

# Resultatregnskap

## SMISO Sogn og Fjordane

<b>Driftsinntekter og driftskostnader</b>	<b>Note</b>	<b>2014</b>	<b>2013</b>
Driftsinntekter		2 834 675	2 461 412
Annen driftsinntekt	8	255 182	19 183
Sum driftsinntekter		<u>3 089 857</u>	<u>2 480 595</u>
Varekostnad		97 723	104 081
Lønnskostnad	2	2 063 890	1 513 836
Avskrivning av driftsmidler og immaterielle eiendeler	3	30 800	30 600
Annen driftskostnad	2	867 387	768 373
Sum driftskostnader		<u>3 059 800</u>	<u>2 416 891</u>
Driftsresultat		<u>30 057</u>	<u>63 705</u>
<b>Finansinntekter og finanskostnader</b>			
Annen renteinntekt		7 705	11 843
Annen rentekostnad		817	59
Resultat av finansposter		<u>6 888</u>	<u>11 784</u>
Ordinært resultat før skattekostnad		36 945	75 489
Ordinært resultat		<u>36 945</u>	<u>75 489</u>
<b>Ekstraordinære inntekter og kostnader</b>			
Årsresultat		<u>36 945</u>	<u>75 489</u>
<b>Overføringer</b>			
Avsatt til annen egenkapital	7	36 945	75 489
Sum overføringer		<u>36 945</u>	<u>75 489</u>

# Balanse

## SMISO Sogn og Fjordane

<b>Eiendeler</b>	<b>Note</b>	<b>2014</b>	<b>2013</b>
<b>Anleggsmidler</b>			
<b>Immaterielle eiendeler</b>			
<b>Varige driftsmidler</b>			
Driftsløsøre, inventar o.a. utstyr	3	8 000	38 800
Sum varige driftsmidler		<u>8 000</u>	<u>38 800</u>
<b>Finansielle anleggsmidler</b>			
Andre langsiktige fordringer		48 611	0
Sum finansielle anleggsmidler		<u>48 611</u>	<u>0</u>
Sum anleggsmidler		<u>56 611</u>	<u>38 800</u>
<b>Omløpsmidler</b>			
<b>Fordringer</b>			
<b>Investeringer</b>			
Bankinnskudd, kontanter o.l.	5	1 277 482	1 034 956
Sum omløpsmidler		<u>1 277 482</u>	<u>1 034 956</u>
Sum eiendeler		<u>1 334 093</u>	<u>1 073 756</u>


# Balanse


## SMISO Sogn og Fjordane


Egenkapital og gjeld	Note	2014	2013
<b>Innskutt egenkapital</b>			
Grunnkapital	7	100 000	100 000
Sum innskutt egenkapital		<u>100 000</u>	<u>100 000</u>
<b>Opptjent egenkapital</b>			
Annen egenkapital	7	414 189	377 244
Sum opptjent egenkapital		<u>414 189</u>	<u>377 244</u>
Sum egenkapital		<u>514 189</u>	<u>477 244</u>
<b>Gjeld</b>			
<b>Avsetning for forpliktelser</b>			
<b>Annen langsiktig gjeld</b>			
<b>Kortsiktig gjeld</b>			
Leverandørgjeld		168 313	187 289
Skyldig offentlige avgifter		165 685	136 773
Annen kortsiktig gjeld		485 905	272 450
Sum kortsiktig gjeld		<u>819 904</u>	<u>596 513</u>
Sum gjeld		<u>819 904</u>	<u>596 513</u>
Sum egenkapital og gjeld		<u>1 334 093</u>	<u>1 073 756</u>


Styret i SMISO Sogn og Fjordane

  
Kurt Even Andersen  
Styreleder

  
Inge Nordhaug  
Styremedlem

  
Trude M Lundekvam  
Styremedlem

  
Gro Anita Solheim  
Styremedlem

  
Jan Ryste  
Styremedlem

# NOTER

## Senter mot Incest Sogn og Fjordane

### NOTE 1 - REGNSKAPSPRINSIPPER

Årsregnskapet er satt opp i samsvar med regnskapslovens bestemmelser. Det er utarbeidet etter norske regnskapsstandarder.

#### **Hovedprinsipp**

Inntekt resultatføres når den er opptjent som normalt vil være på leveringstidspunktet. Kostnader medtas etter sammenstillingsprinsippet, dvs. at kostnader medtas i samme periode som tilhørende inntekt resultatføres.

Eiendeler bestemt til varig eie eller bruk er klassifisert som anleggsmidler. Andre eiendeler er klassifisert som omløpsmidler. Fordringer som skal tilbakebetales innen ett år er uansett klassifisert som omløpsmidler. Ved klassifisering av gjeld er analoge kriterier lagt til grunn.

Anleggsmidler vurderes til anskaffelseskost, men nedskrives til virkelig verdi når verdifallet forventes å være ikke forbigående. Anleggsmidler med begrenset økonomisk levetid avskrives planmessig. Omløpsmidler vurderes til laveste av anskaffelseskost og virkelig verdi. Kortsiktig gjeld balanseføres til nominelt beløp på etableringstidspunktet.

Enkelte poster er vurdert etter andre regler, og redegjøres for nedenfor.

#### **Varige driftsmidler**

Varige driftsmidler er ført opp i balansen til historisk anskaffelseskost tillagt oppskrivninger og fratrukket akkumulerte av- og nedskrivninger. Varige driftsmidler avskrives lineært over forventet økonomisk levetid.

#### **Fordringer**

Kundefordringer og andre fordringer oppføres til pålydende etter fradrag for avsetning til forventet tap. Avsetning til tap gjøres på grunnlag av en individuell vurdering av de enkelte fordringene.

# NOTER

## Senter mot Incest Sogn og Fjordane

### NOTE 2 - LØNSSKOSTNADER, ANSATTE ETC.

*Lønnskostnader består av følgende poster:*

	<u>2014</u>	<u>2013</u>
Lønninger	1 712 814	1 274 815
Folketrygdavgift	196 595	143 768
Pensjonskostnader	137 525	77 487
Andre lønnskostnader	16 955	17 766
Sum lønnskostnader	<u>2 063 890</u>	<u>1 513 836</u>

Gjennomsnittlig antall årsverk 4 3

**Ytelser til ledende personer:**

	<u>Daglig leder</u>	<u>Styret</u>
Lønn	563 443	21 600
Pensjonsforpliktelser	0	0
Annen godtgjørelse	30 346	0

### **OTP**

Selskapet er pliktig til å ha tjenstepensjonsordning etter lov om obligatorisk tjenstepensjon , og har opprettet slik ordning for sine ansatte

Kostnadsført revisjonshonorar utgjør kr. 30.750,-, herav 7.625,- for annen bistand

### NOTE 3 - VARIGE DRIFTSMIDLER

	<i>Inventar</i>	<i>Totalt</i>
Anskaffelseskost 1.1.	100 000	100 000
Tilgang i løpet av året	0	0
Avgang i løpet av året	0	0
Akkumulerte avskrivninger	92 000	92 000
Bokført verdi 31.12.	<u>8 000</u>	<u>8 000</u>
Årets avskrivninger	30 800	30 800

Økonomisk levetid  
Avskrivningsplan

3 år  
Lineær

# NOTER

## Senter mot Incest Sogn og Fjordane

### NOTE 4 - LANGSIKTIG GJELD / PANTSTILLELSER

*Gjeld som forfaller mer enn fem år  
etter regnskapsårets slutt*

	<i>2014</i>	<i>2013</i>
Gjeld til kredittinstitusjoner	0	0

*Pantstillelser o.l.*

	<i>Gjeld sikret ved pant</i>	<i>Balanseført verdi pant</i>
Gjeld til kredittinstitusjoner	0	0

### NOTE 5 - BUNDNE MIDLER

Av selskapets bankinnskudd utgjør bundne skattetrekksmidler kr. 93.837,-

### NOTE 6 - FORDRINGER

	<i>i år</i>	<i>i fjor</i>
Samlede fordringer med forfall senere en et år etter balansedagen	0	0

### NOTE 7 - EGENKAPITAL

	<i>Selskapskapital</i>	<i>Annen EK</i>	<i>Sum</i>
Stiftelse 31.12.13	100 000	377 244	477 244
Årsresultat		36 945	36 945
Egenkapital pr. 31.12.14	100 000	414 189	514 189

### NOTE 8 - MOTTATTE GAVEMIDLER

Sparebankstiftinga S & F	100.000
Sparebanken Sogn og Fjordane	60.000
Sparebanken S & F ansatte	60.000
Hafstadrussen	24.000
<u>Andre</u>	<u>11.182</u>
Totalt	255.182

Mottatt beløp er disponibelt pr 31.12.14, godskrevet egen gavekonto i Sparebanken Sogn og Fjordane

## Kontaktinformasjon

Senter mot incest og seksuelle overgrep Sogn og Fjordane

Hornnesvegen 1 (ved kyrkja), 6809 Førde

Telefon: 57 72 10 70/94 89 28 23

E-post: [post@smiso-sf.no](mailto:post@smiso-sf.no)

Heimeside: [www.smiso-sf.no](http://www.smiso-sf.no)

Følg oss på Facebook

Senteret har opent:

Måndag-fredag: 9-15

Innomstikk for brukarar:

Måndag, tysdag og fredag: 10-15

Landsdekkande telefon for incestutsette og seksuelt misbrukte: 800 57 000

Alarmtelefon for barn og unge: 116 111



Senter mot incest og seksuelle overgrep i Sogn og Fjordane